


# ჩემი პირველი

## მოთხრობები

იაკობ გოგებაშვილის  
„დედა ენიდან“



# სარჩევი

|   |    |
|---|----|
| სწავლაში – ზარმაცი, ცეკვაში – მამაცი..... | 4  |
| ვანო და ქვევრი.....                       | 5  |
| თაგვი და ლომი.....                        | 6  |
| ცხვარი და სილარიბე.....                   | 8  |
| მერცხალი და მეცხვარე.....                 | 9  |
| თხა და გიგო.....                          | 10 |
| მჩხაფანა კატა.....                        | 12 |
| მკვეხარა ქოთანი.....                      | 13 |
| ბოროტისათვის სიკეთე.....                  | 14 |
| თავისი თავის დასჯა.....                   | 16 |
| უსუნო ყვავილი.....                        | 17 |





|                                 |    |
|---------------------------------|----|
| ცრუპენტელა.....                 | 18 |
| მუქთამჭამელა.....               | 20 |
| ნაპოვნი სავარცხელი.....         | 21 |
| ღარიბი და ქილა ერბო.....        | 22 |
| ლოკოკინა და ხვლიკი.....         | 24 |
| ბუზი და ეტლი.....               | 25 |
| ჩიტი და მელა.....               | 26 |
| ჩხუბს თავლაფიანობა მოსდევს..... | 28 |
| დაკარგული ბავშვი.....           | 29 |
| მეზობლები.....                  | 30 |
| კურდღლები და ბაყაყები.....      | 32 |





## სწავლაში – ზარმაცი, ცეკვაში – მამაცი

- ვანო, სკოლაში ნადიო!
- ფეხები ძალიან მტკივაო.
- ვანო, მოდი, ერთი ლეკური დაუარეო!
- აბა, ერთი კარგი ტაში დაუკართო.

# ვანო და ქვევრი

ვანო ახდელი ქვევრის პირას იდგა და ილანძლებოდა. ქვევრი ცარიელი იყო და ვანოს თავისი სიტყვები უკან უბრუნდებოდა.

ვანომ დედას შესჩივლა:

– ამ წყეულმა ქვევრმა ლანძლვით ამიკლოო.

დედამ უპასუხა:

– შენი თავი შენ თვითონვე გაგილანძლავს. ცარიელ ქვევრს რასაც ჩასძახებ, იმას ამოგძახებსო.



## თავკი და ლომი

ლომს ტყეში ეძინა. თავგმა ტანზე გადაურბინა. ლომს გაელვიდა და თავკი დაიჭირა. თავგმა უთხრა, გამიშვი და ოდესმე მეც დაგეხმარებიო. ლომმა გულიანად გადაიხარხარა და თავკი გაუშვა.

გავიდა დრო. მონადირეებმა ლომი დაიჭირეს და ხეზე თოკით მიაბეს. უნდოდათ, მერე მოსულიყვნენ და ცოცხალი წაეყვანათ. მონადირეები რომ წავიდნენ, ლომმა ღრიალი მორთო. თავკს შემოესმა ლომის ღრიალი, მიირბინა, თოკი გალრღნა, გაათავისუფლა ლომი და უთხრა:

– გახსოვს, რომ დამცინე? ახლა ხომ ხედავ, პატარა თავკსაც შესძლებია ლომის დახმარებაო.





# ცხვარი და სიღარიბე

ცხვარი შევიდა სახლში. დაინახა სიღარიბე, ფეხები დააბაკუნა და დაუყვირა:

– ადე, სიღარიბევ! გამეცალე აქედანო!

– სახლის ნახევარი მაინც დამითმეო, – სთხოვა სიღარიბემ.

– ვერ დაგიტმოზ, მთელი სახლი უნდა დავიკავო. ერთ კუთხეში მე უნდა ვიყო, მეორეში – ჩემი ბატკნები, მესამეში მატყლს დავდებ, მეოთხეში – ყველსო.

სიღარიბე ადგა და გაეცალა იქაურობას. მთელი სახლი ცხვარს დარჩა.







## მერცხალი და მეცხვარე

ზამთარი იწურებოდა. ერთი მერცხალი თბილი ქვეყნებიდან ადრე დაბრუნდა და ჭიკჭიკი მორთო.

მეცხვარეს ეგონა, ეგ არის, გაზაფხული დადგაო და ცხვრები დაკრიჭა.

მეორე დღეს კვლავ აცივდა. თოვლი მოვიდა და ყინვამ გაკრეჭილი ფარა კინალამ გაუწყვიტა.

მაშინ მეცხვარემ თქვა:

– ახლა კი ვხედავ, ერთი მერცხლის ჭიკჭიკი გაზაფხულს ვერ მოიყვანსო.

## თხა და გიგო

იყო ერთი ზარმაცი გიგო. ერთხელ თქვა, მოდი, თავს გამოვიჩინ ბეჯითობითო. აილო წიგნი და სოფლის მოედანზე გავიდა. ჩამოჯდა სკამზე და მუხლებზე წიგნი დაიდო, ვითომ შემომხედეთ, რა ბეჯითი ბიჭი ვარო. წიგნი უკულმა ედო და შიგ ტყუილად იცქირებოდა. მალე ძილი მოერია და თავის ქნევა დაიწყო.

ამ დროს მეზობლის ეზოდან წვერის ცანცარითა და ფეხის ბაკუნით თხა გამოვიდა. გიგო რომ თავს აქნევდა, იფიქრა, საჭიდაოდ მიწვევსო. გამოექანა, რქებით დაეჯახა და ააყირავა ჩვენი თავმომწონე გიგო.